

Bolaligim — poshsholigim!

ERKATOY®

2018 y. Iyun №6 (87)

bolalar jurnali



OLAMNI TO'LDIRSIN KULGULARINGIZ

Erkatoyning eng “erka toy” do’stlari! Bolalik damlaringiz xotirangizga unitilmas hikoya kabi sahifalanib boraveradi. Uni doim beg’ubor tabassumizingiz va go’zal xulqingiz ila to’ldirib boring.

Sevimli shoirimiz **Orif To’xtash** siz aziz va beg’ubor qalb sohibilarini “1-iyun — Xalqaro bolalarni himoya qilish kuni” bilan tabriklab, sizlarga atalgan tabrik she’rlarini taqdim etadilar. Bayramingiz muborak bo’lsin aziz bolajonlar!

Sizning Erkatoy

BOLALIK BAXTI

Ko’rkam Vatan qo’ynida,
Ochildi gul-lolalar.
Madh etamiz shodlikni,
Biz baxtiyor bolalar.

Osmonimiz musaffo,
Tiniq otar tongimiz.
Kelajakka nur sochar –
Yolqin misol ongimiz.

Bolalikning sofligini,
Shalolaga qiyoslar.
Baxtimizni kuzatib
Chaqnab ketar quyoshlar.

Orif To’xtash

Ko’nglimizda hayajon,
Xurramlik – katta boylik.
Bolalikning qadriga
Bolalikda yetaylik!

Yayratadi dillarni,
O’yin-kulgu, yallalar.
Quvonchimiz har dilda –
Kamalakday ranglanar.

Tinch bo’lsin Yer kurrasi,
Olov qalblar gurlasini.
Madhiyadir olamga –
Bolalarning «urra»si!





QUVNOQ BOLALAR

*Haydar Muhammad she'ri.
Avaz Mansurov musiqasi.*

Biz baxtiyor bolalar,
Quvnoq bolajonlarmiz.
Oq paxtadan shonalar,
Oydek yorug' yuzlarmiz.

Naqorat:

Oppoq-oppoq bog'chamiz,
Opajonlar parvona.
Qo'l ushlashib barchamiz
Sayr etamiz shodona.

Salqin gulzor maydonda
Sirpanchig'u arg'imchoq.
Qushlar sayrar har yonda,
Bog'chamizdan vaqtি chog'.

Naqorat:

Hammasidek o'tadi,
Musiqali soati.
O'ynab qo'shiq aytadi
Kimning bo'lsa talanti.

Moderato

1. *Biz bah - ti-yor bo-la - lar,*
15. *quv-noq o'-gil qiz-lar - miz,* *Oq pax - ta-dan sho-na - lar,*
19. *oy-dek yo-rug' yuz-lar - miz,* *Naqorat:* *Op - poq op - poq bog' - cha - miz,*
23. *o - pa-jon-lar par - vo - na,* *Qo'l ush - la - shib bar - cha - miz,*
27. *sayr e - ta-miz sho - do - na.* *Lya, lya - lya - lya - lya - ya, lya, lya, lya,*
na - na - na - na - na - na, na... *Lya, lya - lya, lya - lya...*



870358

Bulbulcha

PLANSHET

Bir kuni planshet varaqlari to'zib ketgan ertak kitobi bilan bahslashib qolibdi:

—Bilasanmi, men shunday qudratlimanki, senday kitoblarning ming-mingtasini yuklab olishim mumkin. Insonlar mendan foydalanib o'zlarini qiziqtirgan barcha ma'lumotlarni olishlari mumkin,— debdi mag'rurlanib.

Shunda kitob og'ir bosiqlik bilan shunday debdi:

—To'g'ri! Sen xotirangga nafaqat ertak, jamiiyki insonlarni qiziqtiruvchi barcha ma'lumotlarni yuklab olishing mumkinligini ham bilaman. Lekin kichik bekamiz Nodira tunda uyquga ketishidan avval seni elektr quvvatlagichga ulasa, meni yostig'ining tagiga qo'yib: "Qani edi, ertak qahramonlari tushimga kirsa", deb uyquga ketadi.



870471

RAQAMLAR O'YINI

Mana kunlar isib, ta'tilga ham eson-omon chiqib oldingiz. Endi maza qilib ko'chada do'stlar bilan qiziqarli o'yinlar o'ynashga nima yetsin. Biz sizlarga mana shunday ajoyib o'yinni o'ynash qoidasini o'rgatamiz.

Bu o'yinda to'rttadan sakkiztagacha bola qatnashsa bo'ladi. Avvalo, o'n beshgacha bo'lgan sonlarni qattiqroq karton qog'ozga yozib, aylana shaklida qirqib oling. Aylanalarni yerga sonlarini ag'darib yoying. Endi esa ikki guruuhga bo'linamiz. Ikki kishidan iborat birinchi guruuh koptokni birlariga otishadi. Raqib jamoaning bir ishtirokchisi o'rta ga tushib, yerdagi raqamlarni ochib, ketma-ketlikda yeg'ib olishi kerak. Agar koptok o'rtadagi ishtirokchiga tegsa u joyini o'z guruuhining navbatdagi o'yinchisiga bo'shatib beradi. Qoida shuki, raqamlarni o'ngisini o'girib, ularni ketma-ketlikda yeg'ib chiqishingiz kerak. O'yin shu tarzda davom etadi.





EHTIYOT BO'LING, OFTOB URMASIN!

Siz orziqib kutadigan yoz fasli ham boshlandi. Tunlar qisqarib, kunlar uzayadigan bu damda hech uyda o'tirgisi kelmaydi kishini. Kimdir suzish to'garagiga, kimdir raqsga yana kimdir boshqa sport to'garaklariga shoshadi. Jaziramada o'zingizga yanayam e'tiborliroq bo'lishingiz uchun sizlarga zarur tavsiyalarni bermoqchimiz:

Ko'chaga chiqishningizdan avval, yumshoq tabiiy matodan tikilgan och rangdagi libos kiying.

1



O'zingiz bilan quyoshdan himoyalovchi ko'zonyak va bosh kiyimingizni oling.

2



Yoningizda albatta muzday bo'lmagan suv olib yuring.

3



4

Quyosh nuri soat 12:00 dan 16:00 gacha juda kuchli qizdiradi. Shuning uchun bu vaqtida ko'chaga chiqmaslik tavsiya qilinadi. Vaziyat taqozosi bilan tashqariga chiqib qolsangiz, o'zingiz bilan soyabon olishni unutmang.



Eng muhim ko'proq meva va sabzavotlarni barra shaklda tanavvul qiling. Tez buzuladigan yegulik mahsulotlarini xarid qilmaganingiz ma'ql.



Hali yozning jazirama oftoblari oldinda. Bizning tavsiyalarimiz quyoshdan saqlanishingizga yordam beradi, degan umiddamiz.

OQQUSHLAR

Samodagi oqqushlar,
Bir lahza hushim oldi.
Go'zallikdan zavqlanib,
Ilhomim jo'shib qoldi.

Uning mar-mar qanoti,
Tovlanadi quyoshda.
Samolarda raqs tushar,
Farishtaga qiyosda.

Oqqushlarim parvoz qil,
Sen ezgulik timsoli.
Yashashga chorlab turgin,
Xuddi hayot misoli.



Sevinchxon Soxobiddinova,
Farg'on'a vil., Beshariq tum.,
14-maktab o'quvchisi.

ERKATOY

Har bitta iste'dodni,
Qadrlaysan Erkatoy.
She'riyat, adabiyotni,
Yoqtirasan hoynahoy.

Boshqotirma, qo'shiqlar,
Dillarni xushnud aylar,
Qalblarga ziyo berib,
Zehnimizni oshirar.

Bolalarning ijodi,
Qator-qator terilar.
Shoirlarning hayoti,
Ibrat istab berilar.

Obuna bo'lmoq uchun,
Shaylanamiz hamma vaqt.
Har soningni intiq-la,
Kutmoq asli katta baxt.

Maftuna Tog'ayeva,
Samarcand vil., Paxtachi tum.,
43- maktab o'quvchisi.



SUZISH TURLARI

Suzish bu — suvda qo'l va oyoqlar harakati ko'magida siljishidir. Suvda suzishni siz bolajonlar juda yaxshi ko'rasiz-a, shundaymi? Lekin uning usullari haqida ko'pchililingiz yetarli ma'lumotga ega bo'lmasangiz kerak. Keling, ular bilan birma-bir tanishib chiqamiz.

Krol usuli:

Eng tezkor bo'lgan bu usulida ko'krakda suzish orqali qo'l va oyoqlarning navbatma-navbat bajariladigan to'xtovsiz harakatlari bilan amalga oshiriladi. Gavda suv yuzida deyarli gorizontal holatda joylashadi. Bu usul asosan 50 metrdan 1500 metrgacha bo'lgan masofalarda qo'llaniladi. Bu usul, baxtsiz hodisalarning oldini olishda, cho'kayotganlar oldiga tezroq suzib borishda juda qulaydir.

Delfin usuli:


Harakat vaqtida qo'llar suv ustidan (havodan) oldinga olib o'tiladi, oyoqlar krol usulidagi kabi, faqat ikkala oyoq bir vaqtda harakatlanadi.

Sinxron (badiiy) suzish:

Bu usul suzishning eng go'zal va rohatbaxsh usulidir. Bunda sportchi qizlar musiqa jo'rligida turli xil mashqlarni yakka yoki jamaa tarzida bajaradilar.

Brass usuli:

Oyoq va qo'llar harakatlarini bir vaqtda, bir-biriga mos holda bajarish, harakatlarni ma'lum tartibda uyg'unlashtirib borish bilan xarakterlanadi. Bu usuldan kiyim bilan suzishda va buyumlarni bir joydan ikkinchi joyga olib o'tishda foydalanish mumkin. Brass usuli texnikasini yaxshi egallaganlar katta masofalarni bemalol suzib o'ta oladigan bo'ladilar.



O'rganganlaringizni tekshiring:



1. Krol usulida suzish qay holatga qo'l keladi?
2. Brass usulida qo'l va oyoqlarning harakati qanday bo'ladi?
3. Sinxron suzish turida jamoalar qizlardan iborat bo'ladimi yoki o'g'il bolalardanmi?



Kerakli so'zlarni bo'sh joyga qo'ying.




Sakrog'ichmiz,,
To'p-to'p-to'p
Biz sotuvga,
Ko'p-ko'p-ko'p.
Ranjimaymiz,
To'p-to'p-to'p.
Birpas jim tur,
Xo'p, xo'p, xo'p.

KOPTOKLAR QO'SHIG'I

Anvar Obidjon

chaqqonmiz
chiqqanmiz
tepsangiz
desangiz



ENDI BIZ HAM O'QIY OLAMIZ



Kuni kecha "Erkatoy" bolalar jurnali, maktabning jajji bitiruvchilari bilan uchrashdi. Aniqrog'i, biz poytaxtimizning Yunusobod tumanidagi 302-maktabning 1-sinf o'quvchilari tomonidan tayyorlangan "Xayr, 1-sinf" nomli bayram tomoshasida mehmon bo'ldik.

Bitiruvchilar o'quv yili boshida hayajon to'la nigohi bilan sinfga qadam bosib, jajji barmoqlari esa harf yozishga biroz qiyndi. Shunda ustozlari, Olga Ro'zmetova va Tatyana Svtina opalar qo'llaridan mahkam tutib harflarning yozilish qoidalarini, qo'shish va ayrish belgilarini o'rgatdilar. Bolajonlar bayram tadbirida, o'qishni, yozishni va sanashni o'rganib olganliklarini o'zlarining ajoyib sahna ko'rinishlari, qo'shiqlari, raqslari orqali namoyish etdilar.



"Erkatoy" bolalar jurnali ijodiy xodimlari ham o'z navbatida ularga jurnalning maxsus sonlari jamlanmasini topshirdilar. Endi jajji mushtariylarimiz jurnal sahifalaridagi qiziqarli ma'lumotlarni mustaqil o'qiy oladilar.

Makoni — osmon-dengiz,
Kemadek suzar, izsiz.
Suv-yomg'irga serob u,
Nima ekan-a, top, bu?



Ko'k toqida doira,
Korib deysan: "Qoyil-e?"
Turfa ranglar bo'lsa jo,
Bahorda bo'lar paydo.
Elda bor ovozasi,
U — osmon darvozasi.

ZUKKOLAR BAHSI

Tun chog'ida miltirab,
Osmonni qoplab olar.
Tong mahali lipillab,
Yana ko'zdan yoqolar.




U tushganda, dala, qir
Kuladi "qiqir-qiqir".
Chirmandasi — osmonda,
Raqsi — yerda, har yonda.

O'xshadimini?



Chehroza Azimboyeva,
Samarqand shahri,
42-maktab, 8-sinf o'quvchisi.



Fazogirjon Azimov,
Samarqand shahri,
Futbol bo'yicha ixtisoslashgan
maktab o'quvchisi.




Rustam Shavkatov,
Buxoro shahri,
30-maktab o'quvchisi.



Jasmina Amirqulova,
Samarqand vil., Jomboy tum.,
40-maktab o'quvchisi.



Nozli Xusniddinova,
Toshkent shahri,
217-maktab o'quvchisi.



Madina Xoliqova,
Toshkent shahri,
217-maktab o'quvchisi.

Здравствуй, друг!

красный



кислый



КЛУБНИКА



ВИШНЯ



АЙВА

Что подходит под описание?
Выберите правильный вариант.

слоями



зелёный



ЛУК

КАПУСТА

БАНАН

холодное



сладкое



КОНФЕТЫ

МОРОЖЕНОЕ

ТОРТ

жёлтый



сладкий



ПЕРСИК




ЛИМОН




ЯБЛОКО

O'zing bo'nya





Ushbu rasmning rangli qismlarini yelim-qog'ozdan kesib, o'z o'rniغا yopishtiring.



ERKATOY

Biz birligda bir oylamiz!

Maʼnaviy-maʼnify, adabiy-badiy nashr
Muassisasi: "Matbuot info media servis" MChJ
Bosh muharrir: Nodir Yusupov
Rassom: Hiliola Joʼraboyeva
Sahifalovchi: Andrey Paxunov

Tahrir hayʼati:
Iqbol Mirzo (hayʼat rafsi)
Sherman Yormatov
Bahodir Sharofov
Vohid Luqmon
Orif Toʼxtash
Nodir Jonuzog

Jurnal 03.12.2013 y. Oʻzbekiston Matbuot va axborot agentligidan 0832 raqamli guvohnoma olgan.


"Sano Standart" MChJ bosmaxonasida chop etildi.
Manzil: Toshkent sh. Olmazor tumani Shiroq koʼchasi 100-uy.

Buyurtma raqami: _____
Bichimi - 70/100 1/16 Nusxasi - 8 000

Jurnal "Erkatoj" tahririylari
kompyuternarida sahfalandi.
Joyha muallifi: Nodir Yusupov

Tahririyat manzilli: 100011. Toshkent shahri, A.Navoiy koʼchasi, 16*-uy, 514*-xona. Tel: 0(371) 241-03-35, (593) 574-81-61

RASMLARDAGI 7 TA FARQNI TOPING



JURNALLARIMIZGA OBUNA
BO'LISHNI UNUTMANG!

O'ZBEKCHA
OBUNA INDEKSI:

882

INGLIZCHA
OBUNA INDEKSI:

967